

李長吉歌詩彙解

李長吉歌詩卷之二

錢塘 王琦琢崖彙解

復曾宗武較

金銅仙人辭漢歌

并序

魏明帝青龍元年八月詔宮官牽車西取漢孝武
捧露盤仙人欲立置前殿宮官旣拆盤仙人臨載
乃潸然淚下唐諸王孫李長吉遂作金銅仙人辭
漢歌野客叢書細索雜記載魏畧曰明帝景初元
年徙長安諸鐘簾略馳銅人承露盤盤拆銅
人重不可致留于滿壘漢晉春秋曰帝徙盤盤拆
聲聞數十里金狄或泣因畱壘而唐李賀金銅
仙人辭漢歌序云魏明帝青龍九年八月詔宮官
牽車而西取漢武捧露盤仙人欲立置殿前旣拆

盤仙人臨載乃潛然淚下黃朝英謂明帝紀青龍
五年三月改爲景初元年是歲徙長安銅人重不
可致而賀以爲青龍九年八月夫明帝以青龍五
年三月改爲景初元年至三年而崩則無青龍九
年明矣此皆朝英所云也僕謂賀所引青龍國失
然據今本李賀集云青龍元年非九年也朝英誤
認元年爲九年耳三輔黃圖神明臺武帝造上有
承露盤有銅仙人舒掌捧銅盤玉杯以承雲表之
露以露和王屑服之少求仙道○曾本二姚本牽
車之下水一西字捧露之下少一盤字前殿作殿
前臨載作臨行下又少
一乃字遂作作爲作

茂陵劉郎秋風客夜聞馬嘶曉無跡畫欄桂樹懸秋

香三十六宮土花碧元和平郡縣志漢茂陵在京兆府

也在槐里之茂鄉因以爲名秋風客謂其在世無幾
難享年久遠不過同爲秋風中也然以古之帝王而
武嘗作秋風辭故云爾者非也長吉欠理處夜聞馬
稱之曰劉郎又曰秋風客亦是長吉欠理處夜聞馬

嘶曉無跡調其魂魄之靈或于晦夜巡遊仗馬嘶鳴
宛然如在至曉則隱匿不見矣何能令人畏服如生
時耶張衡西京賦離宮別館三十六所章懷太子註
三輔黃圖曰上林有建章承光等十一宮平樂館
二十五凡三十六所土花苔也武帝既沒國事又殊
西京官室日就荒蕪桂樹徒芳苔錢滿地藥涼之狀
不堪魏官牽車指千里東關酸風射眸子空將漢月
在目
出宮門憶君清淚如鉛水繆襲居柳城篇但聞悲風
正酸說文昨目童子也漢
之土宇已屬魏氏而日月猶謂之漢月蓋地上之物魏
可攘奪而有之天之日月則不能攘奪而有也銅人
在漢時朝夕見此月之體今則天位潛移因革之間萬
象為之一變而月體始終不變仍似漢時故曰漢月
將猶與也人行不遠近舉頭輒見明月若與人相
隨者然銅人既將移徙許都向時漢官所見之物一
別之後不復再見出宮門
而得再見者惟此月矣
情天亦老携盤獨出月荒涼渭城已遠波聲小銅本是

李長吉哥言
又銅人本無知覺因去却以衰蘭送客為詞蓋反言之
為有之情况本有情者乎長吉以天若有情天亦老反
視既出之宮門所携之物俱往者惟盤而已情更何如耶至
者惟月宮已因情緒之荒涼而月色亦漸聞一路情涼見
及乎離渭城秦時建都之處謂亦咸陽雍錄古語山山
更不陽水北曰秦陽日也日出天東躔景斜射凡山
南曰陽水之北曰秦陽日也日出天東躔景斜射凡山
之南陽水之北曰秦陽日也日出天東躔景斜射凡山
為陽水之北曰秦陽日也日出天東躔景斜射凡山
水之北曰秦陽日也日出天東躔景斜射凡山
詩上言咸陽城似乎犯複而咸陽縣道此
指長安之道而言渭城者咸陽道
而實非複也○司馬溫公詩話李長吉歌天若有情
天亦老奇絕無對石曼卿對月如無恨月常圓人有情
為勅敵時細玩二語終有自然
勉強之別未可同例而稱矣

古悠悠行

白景歸西山碧華上迢迢今古何處盡千歲隨風飄

海沙變成石魚沫吹秦橋空光遠流浪銅柱從年消

白景日也碧華夜雲之碧色者晝夜循環無有窮盡
以千歲之久而達人觀之一如風飄之疾速海沙吹
細其間歷多年長大成石秦王造橋之處又見群魚吹
末其間桑田滄海洵有之矣漢武所立銅柱原以為
長生之計今年遠代更銅柱亦銷滅不存夫以武帝
之雄才大畧欲求長生于世間尚不可得況他人乎
此詩蓋以諷也初學記三齊記曰青城山秦始皇登
此山築城造石橋入海三千里漢書武帝作栢梁銅
柱承露仙人掌之屬蓋在建章宮中高三丈七
圍其下為銅柱柱上有銅仙人舒掌捧盤盤中置
玉杯以承雲表之露取露和王屑服之以求長生至
曹魏時為明帝所毀舊註引神異記崑崙之山有銅
柱焉其高入天所謂天柱也圍三千里局圍如削蓋
言日月消磨天柱亦不能久也然神異經所謂天柱
乃神異之蹟並不言其有從年消之事當以漢武帝
之銅柱為是○海沙曾本姚經三本作海波吳正子

之長言
日銅柱一作銅柱
年消姚經三本作隨年消

黃頭郎

漢書鄧通以濯船為黃頭郎顏師古註

因號曰黃頭郎也

黃頭郎撈攏去不歸南浦芙蓉影愁紅獨自垂

曾益

攏捉船貌南浦送別之地水弄湘娥佩竹啼山露月

玉瑟調青門石雲溼黃葛

幽靜水聲之玲瓏玩竹風之

皆佳境也乃懷人不見者處之反成愁境青門疑是

曲名雲氣觸石而出故曰石雲雲本潤氣故草木沾

之而溼也○玉沙上藤蕪花秋風已先發好持掃羅

薦香出鴛鴦熱

本草別錄云芎藭葉名藤蕪蘇頌曰

以羅為薦席蓋今簾褥也鴛鴦燕香之爐為鴛鴦形

名大蘇蕙花發已及秋期知郎不久當歸于是拂拭
羅薦而焚香薰護以待其來矣○好持一作好待鴛
鴦一作鴛籠

馬詩二十三首

龍脊貼連錢銀蹄白踏烟無人織錦韉誰爲鑄金鞭
馬脊上有文點如連錢其四蹄白色如踏烟而行烟
卽雲也韉音與申同馬之鞍韉卽障泥也沈炯詩長
安美少年馳馬鐵連錢陳王裝脂勒晉后鑄金鞭此
首言良馬而未爲人所識者也○錦韉姚經三本作
鸞錦

其二

臘月草根甜天街雪似鹽未知口硬軟先擬蒺藜啣
草至臘月苗葉枯槁惟有根在亦覺味甜可餐又爲
雪所覆沒儻于雪中拘摸而食適遇蒺藜反受刺傷

之害然為飢困所迫不自顧其口之硬軟而先擬一
啣嚼痰藜之想此首蓋為困餓而不能擇食者悲歎
奇情苦思須溪所謂賦馬多矣此獨取不經人道者
知而言哉世說謝太傅寒雪日內集與兒女講論文義
俄而雪驟公欣然曰白雪紛紛何所似兄子胡兒曰
撒鹽空中差可擬郭璞爾雅註蒺藜布地蔓生細葉
子有三角刺人○未知姚經三本作不知

其三

忽憶周天子驅車上玉山鳴騶辭鳳苑赤驥晨承恩

山海經玉山是西王母所居也郭璞註此山多玉石
因以名云穆天子傳謂之群玉之山孔稚圭北山移
文鳴騶入谷韻會騶車馬馳也禮記車驅而騶荀子
騶中豁濩則所謂鳴騶者乃車馬馳走之聲歟穆天
子傳天子之駿赤驥盜驪白義踰輪山子渠黃驪騶
騶耳天子北征東還乃循黑水至于群玉之山阿平
無險四徹中繩先王之所謂策府寡草木而無鳥獸
天子于是取玉三乘玉器服物于是載玉萬隻天子

四日休群玉之山夫八駿之德力本自齊等而赤驥
乃最承恩蓋以居八馬之首也人之才德相等其中
一人承恩尤渥亦必有故矣以馬喻人在當時必
有所指非漫然而賦者○鳳苑姚經三本作漢苑

其四

此馬非凡馬房星本是星向前敲瘦骨猶自帶銅聲
瑞應圖馬為房星之精杜子美詩胡馬大宛名鋒稜
瘦骨成知馬之駿者多瘦而不甚肥銅聲謂馬骨堅
勁有如銅鐵故其聲亦帶銅聲
也○吳本云下星字當作精

其五

大漠沙如雪燕山月似鉤何當金絡腦快走踏清秋

班固燕然山銘經南磧絕大漠李周翰註大漠沙漠
也梁元帝元覽賦看白沙而似雪梁簡文帝烏棲曲
浮雲似帳月如鉤鮑
照詩馳馬金絡頭

其六

飢臥骨查牙，鑷毛刺破花鬣。焦朱色落，髮斷鋸長麻。

查牙，骨露貌。花，卽杜詩五花散作雲滿身之花。蓋馬之毛色錯雜，鬣作花文也。山海經犬戎國有文馬，縞身朱鬣。朱鬣二字，本此顏延年詩：白馬賦：垂稍植髮，李善註：髮，額上毛也。蓋馬之長毛，在額上者，謂之鬣。在額上者，謂之髮。微有焦髮，斷者，因長麻爲絡頭，粗因朱色之退，而見其爲焦髮，斷者，因長麻爲絡頭，粗惡不堪，髮遭其磨落，若鋸而斷之者，咏馬至此，蓋其困頓摧挫極不堪言者矣。

其七

西母酒將闌，東王飯已乾。君王若燕去，誰爲拽車轅。

太平廣記：金母者，西王母也。木公者，東王公也。此二元尊，乃陰陽之父母。天地之本源，化生萬靈，育養群品。木公爲男仙之主，金母爲女仙之宗。長生飛化之士，昇天之初，先覲金母，後謁木公。然後昇三清，朝太

上矣燕卽宴字也古通用昔周穆王得八駿之馬馳驅萬里遂賓于西王母觴于瑤池之上今旣無此馬君王卽欲赴燕而去誰爲拽車而往乎此詩蓋爲時君求慕神仙而爲方士所欺微言以諷之見其徒思益無

其八

赤兔無人用當須呂布騎吾聞果下馬羈策任蠻兒

後漢書呂布常御良馬號曰赤兔能馳城飛堊三國志藏出果下馬漢桓時獻之裴松之註果下馬高三尺乘之可于果樹下行故謂之果下馬桂海虞衡志果下馬土產小駒也以出德慶之瀧水者爲最高不踰三尺駿者有兩脊骨故又號雙脊馬健而善行此言奇雋之馬非猛健之人不能駕馭若其下乘則蠻兒亦能驅使以見逸材之士必不受凡庸之籠絡亦有然者

其九

騷叔去匆匆如今不參龍夜來霜壓棧駿骨折西風
左傳昔有騷叔安有裔子曰董父實甚好龍能求其
嗜欲以飲食之龍多歸之乃擾畜龍以服事帝舜帝
賜之姓曰董氏曰參龍杜預註騷古國也叔安其君
名參養也韻會棧棚也古者四靈以爲畜故龍亦可
參養今既無其人參龍之術久已失傳乃養馬之法
亦廢而不講徒使駿逸之才受風霜之困于槽櫪之
間斯馬也何不辛而遇斯時也○
騷音溜會本二姚本俱作騷非

其十

催榜渡烏江神驄泣向風君王今解劍何處逐英雄
榜音謗楚詞章句榜船懼也史記項羽本紀項王駿
馬名騷常騎之項王直夜潰圍南出馳走至東城烏
江亭長橫船待謂項王曰江東雖小地方千里衆數
十萬人亦足王也願大王急渡項王曰天之亡我我
何渡爲且我與江東子弟八千人渡江而西今無一
人還縱江東父老憐而王我何面目見之乃謂亭

長曰吾不知公長者吾騎此馬五歲所當無敵常一日
行千里不忍殺之以賜公乃自刎而死詩意言當日
亭長既得項王之馬催榜渡江而去馬思故主臨風
垂泣理所必有末二句代馬作悲酸之語無限深情
英雄失主托足無門此清吟應常淚下解劍謂解
去其劍而自刎也仍屬項王說或者以爲卽藥弓戢
矢天下不復用兵意屬漢王說者非
是○鳥江一作江東君王一作吾王

其十一

內馬賜宮人銀鞮刺麒麟午時鹽坂上贈澄盃風塵

以賜宮人者則裝飾如此以負重致遠者則贈澄盃如
此卽孟嘗君所謂後宮踊綺縠而士不得短褐僕妾
餘梁肉而士不厭糟糠者也○麒麟吳本作麒麟
之齒至矣服鹽車而上太行蹄申膝折尾湛跼蹙
汁酒地自汗交流外坂遷延負棘而不能上山西通
志虞坂在平陽府平陸縣東北七十里中條山作樂
逢驥困鹽車卽此處今名青石槽鹽坂當是虞
阪也贈澄盃困頓也○澄依也○麒麟吳本作麒麟

其十二

批竹初攢耳桃花未上身他時須攪陣牽去借將軍
齊民要術馬耳欲得小而促狀如斬竹筒杜詩所謂
竹批雙耳駿者是也桃花謂馬毛色之美者爾雅黃
白雜毛駉郭璞註今之桃花馬此言駒之雄健借字
相雖美毛色未齊已知其材而不見之于試又
煞有深意蓋不忍沒其材以見憐惜之真至
不欲其去已而竟屬他人以見憐惜之真至

其十三

寶玦誰家子長聞俠骨香堆金買駿骨將送楚襄王
寶玦玉玦也其狀如環而缺張華遊俠曲死間俠骨
香駿骨謂馬之骨相奇駿者舊註引戰國策涓人以
五百金買千里馬骨事恐未常詩言珮玦者未知誰
氏之子素聞其豪俠之名必有知人知物之鑒乃堆
金市駿而送之楚襄王夫襄王者未聞有好馬之癖
雖有駿骨安所用之以此相送毋乃暗于所投乎吳

正子疑楚襄王爲誤者非也不送之于楚襄而送之
于愛馬之君如秦穆楚莊之流則馬得所遇矣非此
旨詩本

其十四

香襪赭羅新盤龍蹙金鱗迴看南陌上誰道不逢春

襪卽襪字音與伏同用以覆鞍轡上人將騎則去之
又謂之帕杜甫詩銀鞍却覆香羅帕赭羅羅之赤色
者

其十五

不從桓公獵何能伏虎威一朝溝隴山看取拂雲飛

管子桓公乘馬虎望見寡人而不伏桓公問管仲曰今者
寡人乘馬虎望見寡人而不伏桓公問管仲曰今者
曰意者君乘駁馬而游河迎日而馳乎公曰然管仲
曰此駁象也駁食虎豹故虎疑焉溝隴謂溪澗山岡

卷二

之地拂雲飛言其馳驟之疾如雲之飛騰杜工部所謂走過掣電傾城知李供奉所謂神行電邁躡恍惚亦任此喻詩意謂豪傑之士伏處草野不得苦上之委任雖智勇絕人雄畧蓋世人能知一旦出獻畝于青雲之上然後為人所仰瞻耳

其十六

唐劍斬隋公卷毛屬太宗莫嫌金甲重且去捉颼風

長安志太宗所乘六駿石像在昭陵後拳毛騮平劉黑闥時所乘有石真容自拔箭處贊日月精按轡天騮橫行弧矢載戢氛埃廓清有中九箭處玩詩意卷毛騮必隋之公侯所乘者其人既為唐所殺其馬遂為太宗所得雖事逸無考而詩語甚明舊解過于幽曲未是莫嫌謂旁觀者而言莫嫌此馬金甲在體而颼風同行走且見其去逐颼風而輕捷如故也說文颼風回風也蓋風之回旋至疾速者捉颼風即追風之意○颼風吳

其十七

白鐵劉青禾礎間落細莎世人憐小鐵金埒畏長牙

禾鐵劉草之乃礎判草之石飼馬不以青草而以青
盜驪邢昺註領細如莎草然見飼法之不爾雅小領
盜驪云世說王武子移第北邱山下于時人多地貴
濟好馬射買地作埒編錢陌地竟埒埒謂于外作短
垣繞之也音與劣垣也徐曰晉王濟馬埒謂于外作短
鉤則壽下齒欲鋸鋸則怒牙欲去齒一寸則四百里
牙劍峰則千里琦按長牙者蓋謂馬之鋸牙善嚙者
也逸群之馬多不伏羈絡生人近之往往踉蹌然乘
之衝鋒突陣多有奇功若王孫公子分馳角壯于金
埒之閒只取觀美而已小頸細馬競加憐愛其長牙
善嚙者雖有權奇偶儻之才亦畏而不取彼豪傑之
士以材大而為人所用小材者悉心委使而得厚
資焉亦何以異于此馬歟
砥間會本姚經三本作砥聞

其十八

伯樂向前看旋毛在腹間祇今培白草何日驀青山

郭璞爾雅註伯樂相馬法旋毛在腹下如乳者千里馬也顏師古漢書註白草似莠而細無芒其乾熟時正白色牛馬所嗜也培減也驀越也馬之旋毛生于腹間人未之見以常馬視之伯樂視之乃知其為千里馬然芻秣不足則馬之筋力亦不充今乃克減其草料每食不飽得知何日養成氣力可以驅騁山岡而展其驥足乎後二句當作伯樂口中嘆息之語方得

其十九

蕭寺馱經馬元從竺國來空知有善相不解走章臺

釋氏要覽今多稱僧居為蕭寺者是川梁武造寺以姓為題也魏書釋老志後漢孝明帝夜夢金人頂有白光飛行殿庭乃訪群臣傅毅始以佛對帝遣郎中蔡愔博士弟子秦景等使于天竺寫浮屠遺範得佛

經四十二章及釋迦立像情之還也以白馬負經而
至漢因立白馬寺于洛城雍門西漢書張敞無威儀
時罷朝會過走馬章臺街使御史驅自以便而拊馬
孟康註章臺街在長安中此詩似為番僧之才俊者
而作○元姚經三本作原

其二十

重圍如燕尾寶劍似魚腸欲求千里脚先采眼中光

首卷貴公子夜闌曲云腰剛白玉冷蓋指腰帶而言
此云重圍似亦謂雙肩腰帶如燕尾謂帶之餘者雙
垂而下如燕尾也會註燕尾猶言雙翼分兩腰而幽
之似言將士被困狀恐求吳越春秋吳王得越所
獻寶劍三枚一曰魚腸高誘淮南子註魚腸文理屈
辟若魚腸者良劍也二句先言壯夫束帶挂劍將有
遠行之狀以起下文求千里脚之意蘇炎詩舒吾陵
霄翼奮此千里足李善文選註相馬經曰目成人者
行千里註云成人者視瞻子中人頭足皆見齊民要
術馬目欲大而光目中五采盡具五百里壽九十年

李長吉歌詩

卷二

良多赤血氣也。驚多青肝氣也。走多黃腸氣也。材智多白骨氣也。材多黑腎氣也。驚。

其二十一

暫繫騰黃馬仙人上綵樓須鞭玉勒吏何事謫高州

宋書騰黃神馬也其色黃王者德御四方則出廣信
華林園馬射賦控玉勒而搖星跨金鞍而動月玉勒
吏謂控玉勒之人即馭馬吏也高州唐時又謂之高
涼郡屬嶺南道在西京南六十二百六十二里地有
瘴癘謫宦者多居之此詩必是當時有正直之臣見
仲時宰而謫逐于高州者長吉痛之借馬以爲喻也
夫騰黃之馬不易得之馬也今暫繫而不固仙思
在綵樓之上無所事于乘騎之故乃玉勒之吏不思
泰畜于平時以備馳驅之用而反棄之遠方瘴
癘之地絀繆至矣僅以一鞭罪斷結猶是輕典

其二十二

汗血到王家隨驚撼玉珂少君騎海上人見是青驪

漢書大宛國多善馬汗血言其先天馬子也驚與
鑾字義同謂王者所乘之車初學記服虔通俗文曰
凡勒飾曰珂張華詩文軒樹羽蓋乘馬鳴玉珂玉珂
者以玉飾馬勒之上振動則有聲故有撼玉珂鳴玉珂
珂有語太平御覽神仙別傳曰李少君死後百餘日
人有見少君在河東蒲坂乘青驪帝聞之發其棺無
所有此詩蓋為有奇帙之材而隱居為黃冠者言也
汗血之馬劉王者之家隨鸞車之後體飾華美豈非
榮遇若爵少君于海上人不過以凡畜視
之孰知為千里之駿而刮目以觀者哉

其二十三

武帝愛神仙燒金得紫烟廐中皆肉馬不解上青天

漢武帝好神仙之事使方士鍊丹砂為黃金不就又
好西域汗血馬使貳師將軍伐大宛取其善馬數十
匹中馬以下牝牡三千餘匹長吉謂其燒鍊則黃金
化為紫烟終不成就所獲之馬又皆凡馬不可乘之
以上青天所求皆是無益之事此首似為憲宗好神
仙信方士之說而作○馬詩二十三首俱是借題抒

意或美或譏或悲或惜大抵于當時所聞見之中各有所比言馬也而意初不在馬矣又每首之中皆有不經人道語人皆以賀詩爲怪獨朱子以賀詩爲巧讀此數章知朱子論詩真有卓見

申胡子觴築歌

并序

申胡子觴客之蒼頭也觴客李氏亦世家子得祀江夏王廟當年踐履失序遂奉官北部自稱學長調短調久未知名今年四月吾與對舍于長安崇義里遂將衣質酒命予合飲氣熱杯闌因謂吾曰李長吉爾徒能長調不能作五字歌詩直強迴筆端與陶謝詩勢相遠幾里吾對後請撰申胡子觴築歌以五字斷句歌成左右人合噪相唱觴客大

喜擎觴起立命花娘出幕徘徊拜客吾問所宜稱

善平弄於是以弊辭配聲與予爲壽

杜氏通典簞本名悲栗

出于胡中其聲悲文獻通考麇一名悲栗一名
筚管羌胡龜茲之樂也以竹爲管以蘆爲首狀類
胡筚而九竅所法者角音而甚悲栗胡人吹之以
驚中國馬焉後世樂家者流以其旋宮轉器以應
律管因譜其音爲衆器之首至今鼓吹教坊用之
以爲頭管然其大者九竅以屬栗名之小者六竅
以風管名之六竅者猶不失乎中聲而九竅者其
先蓋與太平管同矣江夏王名道宗唐之疏屬也
太宗時以戰功累封江夏郡王唐書有傳北都謂
北匈奴所居之地其名始見于漢時匈奴旣分爲
兩遂稱近南之部落曰南都近北之部落曰北都
朔客蓋爲北方邊地之將者故曰奉官北都又謂
之朔客云長調謂七字句短調謂五字句漢書高
祖本紀酒闌文穎曰闌言希也謂飲酒者半罷半
在謂之闌○吳本李氏下
多一本字北都作北郡

顏熱感君酒含嚼蘆中聲花娘簪綬妥休睡芙蓉屏

顏熱因酒酣而面熱也含嚼唇含齒嚼而吹之惟蘆

管為然移加簫笛不得參與簫同緩下垂之貌妥平

妥也謂其替下垂而安妥之貌休睡芙蓉誰截太平

屏謂感觸栗聲而聽之遂頓忘倦臥也

管列點排空星直貫開花風天上驅雲行

如蹶膝而九竅是黃鐘一均所異者頭如磨栗耳唐

天寶中史盛所作按磨栗與太平管自是二器玩詩

句知申胡子所吹者實是太平管而雅其名以冒稱

磨栗耳言誰為此製者截竹為管而鑽列空竅于其

上如星點然其器若無甚奇異乃吹之作聲其勁能

貫乎風而音流四遠其高能入乎雲而響徹青冥如

此時驚

陰在坐間聞聲策之聲不覺有感于中而惜光

雲更善

今夕歲華落令人惜平生心事如波濤中坐

此時驚

此真蘆管之聲移贈簫笛便覺太猛烈矣古稱聲

之妙者

此借其說而反之曰天上驅行

點化

點化

坐謂坐中也○平生朔客騎白馬劍肥懸蘭纓俊健
會本二姚本作年生朔客騎白馬劍肥懸蘭纓俊健
如生猱肯拾蓬中螢上常作把劍之柄也蘭纓劍柄
攝喜動不肯安歇晉書車胤家貧不常得油夏月則
練囊盛數十螢火以照書梁簡文帝贊詩逢君拾光
采不恡此身傾言朔客騎馬佩劍俊健如猱乃武夫
俠客之流宜其于書格格不相合乃肯學古人拾螢
火以照書可謂好學之人矣夫朔客本武人而自稱
能詩蓋有志自拔于儕輩之中而長古因以古之好
學者擬之此以庶姑指爪而搔中其肯大癢時也宜
其大喜擎杯離席且命愛妾出拜以盡興而極歡也
與○肯拾會本姚
經三本作首拾

老夫採玉歌

採玉採玉須水碧琢作步搖徒好色老夫飢寒龍爲
愁藍溪水氣無清白山海經耿山多水碧郭璞註亦
水玉類琦謂水玉是今之水精

水碧是今之碧玉釋名步搖上有垂珠步則搖也瑯
嫫記人謂步搖為女髻非也蓋以銀絲宛轉屈曲作
花枝插髻後隨步輒搖以增媚媚故曰步搖太平寰
宇記藍田山在藍田縣西三十里一名玉山一名覆
車山灞水之源出此三秦記有川方三十里其水北
流出玉今藍田猶出碧玉世謂之藍田碧詩言玉產
藍溪水中因採玉而致藍溪亦不能安靜不特役夫
受飢寒之累即水中之龍亦愁其騷擾至于溪水為
其翻攪有渾濁
而無清白矣
藍溪之水厭生人身死千年恨溪水
桐頭食蔡子杜鵑口血老夫淚
桐頭夜雨則寒
榛子則飢可知吳正子云蔡當作榛按詩經正義榛
字或作蔡蓋一木也則榛蔡故通用矣爾雅翼榛枝
莖如木蓼葉如牛李色高丈餘子如小栗其核中悉
如李生則胡桃味膏燭又美亦可食啖漁陽遼代上
黨皆饒鄭註禮曰榛似栗而小關中鴈坊甚多然則
其字從秦蓋此意也華陽風俗錄杜鵑大如鴈而羽
鳥聲哀而吻有血春至則鳴爾雅翼子鵑山蜀中今
所任有之其大如鳩以春分先鳴至夏尤甚日夜號

李長吉歌詩

卷二

古

深林中口為流血至章陸子熟乃止農家候之亦曰
杜宇亦曰杜鵑亦曰周燕亦曰買鵲名異而實同也
杜鵑口中血老夫淚者乃倒裝句法謂老夫之淚如杜
鵑口中之血耳煥生人者固採玉而溺死者甚衆故
溪亦若厭之身死千年恨溪水謂身死之後雖干
祀之久其怨魄猶抱恨不釋夫不恨官吏而恨溪水
微詞斜山栢風雨如嘯泉脚挂繩青裊裊村寒白屋
也
念嬌嬰古臺石磴懸腸草挂繩謂結繩于身懸挂而
白屋之意顏師古曰白屋謂白蓋之屋以茅覆之賤
人所居王肅家語註曰白屋草屋也釋名人始生曰嬰
兒胸前曰嬰抱之胸前乳養之也石磴石山之上可
以登陟之道述異記懸腸草一名思子蔓南山中呼為
離別草夫已之生正未可必乃割懸腸之草又動
思子之情觸物興懷俱成苦境深可哀矣○按韋應
物采玉行云官府徵白丁言采藍溪玉絕嶺夜無人
深榛雨中宿獨婦餉糧還哀哀舍南哭與此詩正相
明發

傷心行

咽咽學楚吟病骨傷幽素秋姿白髮生木葉啼風雨
燈青蘭膏歇落照飛娥舞古壁生凝塵羈魂夢中語
學楚吟學楚詞哀怨之吟木葉啼風雨謂木葉與風
雨相攪其聲一如啼嘯燈青蘭膏歇燈久膏將盡則
其釅低暗作青色落照飛娥舞燈花謝落因飛娥舞
觸所致羈魂羈客之魂通首皆言羈旅無聊之况楚
辭蘭膏明燭華容錯些王逸註蘭膏以蘭香煉膏也
飛娥曾木姓經三本作飛蛾是也古今註飛蛾善拂
火一名火花
一名慕光

湖中曲

長眉越沙採蘭若桂葉水蕙春漠漠橫船醉眠白晝
閑渡口梅風歌扇薄
長眉已見前註蘭若謂幽蘭杜若皆香草顏延年詩芬馥挾蘭

若水萍一作水荇荇萍二字通用爾雅翼龍紅草也
一名馬蓼葉大而赤白色生水澤中高丈餘今人猶
謂之水紅草而爾雅又謂之龍古漠漠言其爛漫多
生之貌太平御覽五月有落梅風嶺南錄梅雨後風
日梅風然上文既有春字此句又及夏景必有一誤
庾信詩綠珠歌扇薄飛燕舞衫長吳正子曰婦人以
扇自障而歌曰歌扇薄飛燕舞衫長眉之女行越沙渚而採
芳草乃芳草不見惟見桂葉水萍漠漠其間于是醉
眠橫船之內消此閑書微搖歌扇于渡口梅風之中
此句正描出上文閑字之意○橫船會本二姚本俱
倚橫

燕釵玉股照青渠越王嬌郎小字書蜀紙封巾

報雲鬢晚漏壺中水淋盡燕釵釵釵上作燕子形玉股

作清渠謂水渠之清淺者張華詩蘭蕙綠清渠繁華
蔭綠渚沈約麗人賦沾粧委露理髮清渠上文言臨
風搖扇此句言照水整粧皆極狀開字之意越王嬌
郎喻王孫貴公子一流水經註南越王遣太子名始
降服安陽王稱臣事之安陽王有女名眉珠見始端
正與始交通所謂越王嬌郎者疑用此事廣博物志

陸倕有謝安成王賜西蜀賤紙一萬幅國史補紙則
有蜀之麻面屑末滑石金花長麻魚子十色箋知蜀
中箋紙自古見稱沈約詩雲鬢垂寶花詩言湖中女
子正在閑處無聊之時忽有貴介公子以小字書之
于巾而以蜀紙封之以報佳人約其晚漏盡時與相
期會○玉股一作玉服嬌郎一作嬌娘壺中一作銅
壺

黃家洞

通鑑元和十一年十一月壬戌朔容管
黃洞蠻

却之復賓蠻等州十二月已未容管奏擊黃洞蠻
屠巖州胡三省曰黃洞蠻即西原蠻其屬黃氏
者謂之黃洞蠻唐書西原蠻居廣容之南色桂
之西有寧氏者相承為豪又有黃氏居黃榜洞
其隸也其地西接南詔貞元十年黃洞蠻首領黃
少卿者攻邕管圍經畧使孫公器請發嶺南兵
窮討之德宗不許命中人招諭不從俄陷欽橫
潯貴四州少卿子昌河趨勇前後陷十三州氣
益振乃以唐州刺史陽旻為容管招討經畧使
引師掩賊一日六七戰皆破之侵地悉復元和

初邕州擒其別帥黃承慶明年少卿等歸欽拜
歸順州刺史弟少高爲有州刺史未幾復叛又
有黃少度黃昌驩二部陷賓嶺二州據之十一
年次欽橫二州邕管經畧使韋悅破走之取賓
嶺二州是歲復屠嚴州桂管經畧使裴行立輕
其軍弱首請發兵盡誅叛者微幸有功憲宗許
之行立兵出峽巔更二歲安奏斬獲二萬罔天
子爲解自是邕容兩道殺傷疾疫死者十八以
上調費鬪亡繇行立陽旻二人當時莫不咎之
又韓昌黎有元和十五年上黃家賊事宜狀臣
去年貶嶺外刺史其州雖與黃家賊不相鄰接
然見往來過客并諳知嶺外事人所說其賊並
是夷獠亦無城郭可居依山旁險自稱洞主衣
服言語都不似人尋常亦各營生急則屯聚相
保比緣邕管經畧使多不得人德旣不能緩懷
威又不能臨制侵欺虜縛以致怨恨蠻夷之性
易動難安遂至攻劫州縣侵暴平人或復私仇
或貪小利或聚或散終亦不能爲事云云讀此
見黃家賊之橫有與長吉
詩相發明者故摘錄焉

雀步蹙沙聲促促四尺角弓青石鏃黑幡三點銅鼓

鳴高作猿啼搖箭箠崔步狀蠻人之行猶雀之躍蹙

國弓長四尺力如弩矢用楷長一尺八寸青石為鏃

引此以狀蠻人弓矢之異黑幡三點狀蠻人旗幟之

異銅鼓鳴狀蠻人聚眾之異隋書諸蠻並鑄銅為大

鼓初成懸于庭中置酒以招同類來者有豪富子女

則以金銀為大釵執以叩鼓叩竟乃雷造主人名為

銅鼓釵俗好相殺多構讎怨欲相攻則鳴此鼓到者

如雲有鼓者號為都老群情推服杜氏通典銅鼓鑄

銅為之虛其一而覆而擊其上南夷扶南天竺類皆

如此嶺南豪家亦有之大者廣丈餘上南志都蠻呼

銅鼓曰諸葛鼓相傳以為寶器鼓有剝蝕又聲響者

為上上者易牛千頭次者七八百頭迺有等治藏至

二三而者即得雄視一方僭稱王號每出劫擊鼓高

山諸蠻頃刻雲集集則惟牛數十頭響鑼乃山劫劫

數勝益以鼓為靈高作猿啼狀蠻人叫呼聲如猿嘯

掃箭箠狀其動躍不靜之態鄭元綵巾纏跽幅半斜

周禮註箠盛矢器也以獸皮為之綵巾纏跽幅半斜

溪頭簇隊映葛花

吳正子曰蹕蹕也合作散讀如敲

在于溪頭簇立成隊與葛花相映葛草蔓延而生引

長一丈其葉有三光如楓葉而長面青背淡七八

月開花成穗累累相承紅紫色其皮治之山潭晚

吟白蠶竹蛇飛蠹射金沙二句入本景今江湖極

多形似守官鯪輩長一二丈背尾俱有鱗甲夜則

鳴吼舟人畏之晉書孫亮初公安有白蠶鳴本草竹

根蛇肘後方請之青蛭蛇最毒喜緣竹木與閑驅竹

竹同色飛蠹疑亦毒蟲名或是飛蠹之誤

馬緩歸家官軍自殺容州槎馬緩歸家自來自往

若在無人之境官軍不能追討只自殺容州槎而已

竹馬恐是蠻中馬名如所稱果下馬之類或蠻中

運載之器若古所稱木牛流馬之類會註謂是蠻如

并州小兒之騎竹馬者非也容州漢合浦縣地隋為

合浦郡之德流縣唐武德四年分置銅州貞觀元年

改容州因州西容山而名屬嶺南道槎斜所木也言

官軍不敢殺賊但可自斬伐容州之樹木甚言其無
用吳正子註謂官軍出戰不能得真蠻徒自殺容管
之民槎或蠻
稱民之辭

屏風曲

蜨棲石竹銀交關水凝綠鴨琉璃錢團迴六曲抱膏
蘭將鬟鏡上擲金蟬沉香火暖茱萸烟酒觥綰帶新
承懽月風吹露屏外寒城上烏啼楚女眠屏風上畫
竹之形而以銀作交關交關者蓋屏風兩扇相連屬
處即今之鉸鏈也又作鴨綠水波之文或以琉璃作
錢文加其上蓋言屏風上之雕飾六曲上二扇也以
十二扇疊作六曲唐詩山屏六曲郎歸夜是也抱膏
蘭謂闌燈燭于其中金蟬首飾之類酒觥綰帶謂兩
杯相並以帶繫其足而聯絡之今婚禮合巹用之謂
之合巹杯即古之所謂連理杯也觀此知唐時已有
此制○文苑英華本緣鴨作鳴綠團迴作周迴膏蘭

作銀蘭將髮作解髮沉香
火作沉香酒水酒觥作酒餘

南山田中行

秋野明秋風白塘水渺渺蟲噴噴
噴謂聲輕細○秋噴

風姚經三雲根苔蘚山上石冷紅泣露嬌暗色
錦繡

本作秋色雲根苔蘚山上石以雲觸石而生也姚仙期皆
其既云雲根又云山上石為重覆琦按雲根字本起

自張協詩雲根臨八極雨足西四溟六臣俱無註釋
然玩其文義蓋謂雲起濃郁處原不作石字使冷紅

謂花也以其開于秋荒畦九月稻叉牙
螢螢低飛隴

徑斜荒畦謂荒野中之田螯石脉水流泉滴沙見燈
螢螢遇冷氣光不甚明

如漆點松花
鬼燈低闇不明狀如漆燈點綴松花之

燈照爛如日月焉○

點會本二姚本作照

貴主征行樂

姚經三註元和朝王承宗反詔以吐突承璀為神策河中河陽等道

行營兵馬諸軍招討處置使討之承瑞驕縱侈靡威令不振此詩蓋譏其征行為樂耳貴主即中貴作主帥曾氏以為女主統兵而行者非是琦按後漢書竇憲傳今貴主尚見枉奪謂沁水公主也沈佺期侍宴安樂公主新宅詩皇家貴主好神仙是皆以公主為貴主也疑在當時有公主出行宴飲于河陽城中長吉見之而作是詩其所從之將率皆護從之兵而非戰鬪之兵故其旌旗甲馬皆言其華靡艷麗而已雖史傳無考而因文度事畧為近是以為吐突承璀而作者非也

奚騎黃銅連鎖甲羅旗香幹金畫葉

鄭元周禮註古

入縣官為奴其少才智以為奚今之侍史官婢或曰奚宦女也十六國春秋猶胡鎧如連鎖射不可入周審公二老堂詩話今謂甲之精細者為鎖子甲言其相銜之密也羅旗香幹金畫葉謂以羅為旗以香木

為幹而金盡之極言富中軍陷醉河陽城嬌嘶紫燕

踏花行元和郡縣志河南府有河陽縣西南至府八

度為都城之巨防一統志河陽城在河南懷慶府孟

縣西南三十里春秋天王狩于河陽即此劉劭趙郡

賦其良馬則飛兔春營騎將如紅玉走馬捎鞭上空

奚斯常驪紫燕體輕腰弱善行步進退女弟昭儀

綠西京雜記趙后笑語二人並色如紅玉為當時第

一今以稱騎將蓋言其僅取貌美者充之女垣素月

耳上空綠謂其馳馬輕捷如上騰空際女垣素月

角伊伊牙帳未開分錦衣女垣即女牆城上小牆也

太平御覽宋樂志曰角長五尺形如竹筒本細末稍

大未詳所起今軍中用之或以竹木或以皮為之無

定制按古軍法有吹角此器俗名拔邏迴蓋胡虜警

軍之音所以書傳無之牙帳主將所居之帳建牙旗

于帳前故謂之牙帳分錦衣者以錦衣頒賜于下也

天色未明主帳未開而犒賚之令已下以見號令不

臣妾言次寺

卷二

七

時而賜予
橫濫之意

酒罷張大徹索贈詩時張初効潞幕

按張徹韓昌黎門人

又其從子壻也中元和四年進士累官至范陽府監察御史長慶中遷殿中侍御史以軍亂被執屬衆而死昌黎作墓誌銘詳載其事潞州上黨郡也屬河東道

長鬣張郎三十八天遣裁詩花作骨

北史許惇美鬣下垂至帶省中

號長鬣公三十八紀微之年也董懋策曰花作骨猶錦心繡腸之謂○八或作一

往還誰是

龍頭人公主遣乘魚鬚笏

魏畧華歆與北海邴原管寧俱遊學三人相善時人

號三人爲一龍歆爲龍頭原爲龍腹寧爲龍尾往還誰是龍頭人言往還之人無有能出其上者公主遣乘魚鬚笏似言以外戚薦引入仕禮記笏大夫以魚鬚文竹正義云文飾也庚氏云以鮫魚鬚飾竹以成文盧云以魚鬚及文竹爲笏陸氏音義崔云用文竹及魚斑也隱義云以魚須飾文竹之邊須音斑
水

行青草上白衫匣中章奏密如蠶唐時無官人白衣

青草上白衫正謂其初入仕途脫白着青舊註以水

行謂往潞中程次青草上白衫為春天之候似非是

○水行一金門石閣知卿有豸角雞香早晚含言不

作太行一

當登侍從之班晉御史之秩三輔黃圖金馬門宦者

署武帝得大宛馬以銅鑄象立于署門因此石渠閣

方朔主父偃嚴安徐樂皆待詔金馬門即此石渠閣

蕭何造其下確石為渠以導水若今御溝因為閣名

藏入關所得秦之圖籍至于成帝又于此藏秘書焉

初學記漢官儀曰獬豸獸性觸不直故執憲者以與

角形為冠杜氏通典法冠一名獬豸冠一角為獬豸

之形御史臺監察以上服之尚書郎口含雞舌香以

其奏事對答欲使氣息芬芳吳正子註香可含而以

豸角連言似是語疵然古書多有此類如大夫不得

造車馬車可以辭泥也隴西長吉摧顏客酒闌感覺中

可造不可以辭泥也

區窄葛衣斷碎趙城秋吟詩一夜東方白

中區窄謂

三手言

名二

三

趙城縣名在河東道屬平陽郡
賀與微相會飲酒蓋在其地

羅浮山人與葛篇
藝文類聚羅浮山記曰羅浮

山也二山合體謂之羅浮在增城博羅
二縣之境○山人曾本二姚本作山父

依依宜織江雨空雨中六月蘭臺風
二句畧言時景

之意宋玉風賦楚襄王遊于蘭臺之宮有風颯然而
至王乃披襟而當之曰快哉此風寡人所與庶人共

耶博羅老仙時出洞千歲石牀啼鬼工
博羅即羅浮

有朱明黃龍蝴蝶夜樂諸洞老仙即謂山人石牀即
洞中之石牀名山洞府中多有之鬼工謂工作之巧

者以其精細之極似非人工所能故謂之鬼工言此
葛者乃鬼工所為今山人持之出洞鬼工知其將以

與人故惜也蛇毒濃凝洞堂濕江魚不食啣沙立
之而啼也

燕燕而毒氣不散江魚因水熱沸鬱而靜伏不食極
言暑溽之象以起下文命人剪葛製衣之意○蛇毒

濃凝一作欲剪湘中一尺天吳娥莫道吳刀澀湘中

毒蛇濃天喻尊之瑩白如湘水清深中含天光與之一色猶

老杜所謂焉得并州快剪刀剪取吳淞半江水也吳

本姚經三本以湘中作箱中以篋中解之非也或作

相中尤非吳刀謂吳地所出之剪刀鮑照詩吳刀楚

製為佩韋李白詩吳刀剪綵舞衣皆作

此解以刀為刀劍解者亦非仁和里雜敘皇甫湜湜

湜傳湜字持正睦州新安人擢進士第為陸渾

尉仕至工部郎中補急使酒數忤同省求分司

東都尉守裴度辟為判官陸渾縣名隸

河南府為畿縣有尉二人正九品下

大人乞馬癰乃寒宗人貸宅荒厥垣橫庭鼠徑空土

溜出饒大棗垂珠殘大人是其尊行宗人是其九族

向宗人借宅則又得其垣之荒者庭土穢塞僅為隄

麗所遊之徑籬落敗闕果木又見凋殘四句長吉自

敘困阨冷况魏志扶餘國出美珠大者如酸棗○
乃寒姚經三本作且寒垂珠吳本作垂朱一作垂紅

安定美人截黃綬脫落纓裾暝朝酒還家白筆未上

頭使我清聲落人後後漢皇甫規皇甫嵩皆安定朝

本自安定故謂安定美人顏師古漢書註丞尉職卑

皆黃綬今混為尉故借川黃綬事其實唐時五品以

上有綬六品以下皆去綬即五品以上所服之綬有

綠紫青黑四色亦無黃色者也脫落纓裾謂其不以

朝服為重服也暝朝酒謂其朝夜飲酒為樂魏畧

帝嘗大會殿中御史簪白筆側階而坐上問左右此

為何官何主辛毗曰此為御史舊時簪筆以奏不法

今者直備官但貤筆耳唐書車服志七品以上以白

筆代簪八品九品夫白筆未上頭也

眼排引纔陞強絙斷洛風送馬入長闌闔扇未開逢

狹犬枉辱稱知已而得邀君之盼顧方欲薦引陞朝

而君又去如強繩引物忽然中斷更有何益排

引薦也。恒切音與。庚同。呂氏春秋乃修闔扇。高誘註闔扇門。扇也。狹犬當是瘕犬之誤。讀若記。胡犬之狂者。左傳。國人逐瘕狗是也。此用其字。宋玉九辨豈不鬱陶而思君兮。君之門以九重。猛犬猜猜而迎火兮。闔梁閉而不通。此用其義。吳正子曰。長吉為皇甫諸公推挽。又為他人沮毀。故有逢犬之語。小那知堅都相草草。傳云。中人也。亦多排擯毀斥。可見矣。

客枕幽單看春老歸來骨薄面無膏疫氣衝頭鬢莖

少吳正子註堅都一作豎都皆未詳會益註以孟堅

之狀○疫氣一作瘡氣欲雕小說千天官宗孫不謂為誰憐明

朝下元復西道崆峒敘別長如天莊子飾小說以千

天官選授之事吏部主之長吉以天潢之裔淹久不

調故欲上書天官乞其見憐之事下元十月望日也

太平寰宇記禹跡之內山名崆峒者有三一在臨洮一在安定一在汝州時湜方仕陸渾陸渾與汝州相

近始指汝州之崆峒耶

官娃歌

娃美女也此篇蓋為宮女怨曠之詞

蠟光高懸照紗空花房夜搗紅守官

博物志蜥蜴以器養

之食以丹砂體盡赤所食滿七斤治壽萬杵點女人

肢體終身不滅惟房室事則滅故又號守官傳云東

帝試之有驗象口吹香罷甕暖七星挂城間漏板

香烟自口出以為玩好復有雕木塹土為之者此云象

口吹香蓋為象形而香噴于口者也罷甕音榻登卑

蒼毛席也北堂書鈔甕甕細者謂之甕甕韻會甕甕

織毛褥也一日甕甕通雅中天竺有甕甕今曰甕甕

秦蜀之邊多有之似鴉五色方錦從外徵來廣中洋

泊亦有至者七星北斗也夜久則北斗橫斜似挂于

城上漏板以銅為之隨更鼓而擊以為每更深淺之

飾寒入眾思殿影昏彩鸞簾額著霜痕眾思音浮思

蟲立夏後至夜則鳴聲如蚯蚓月令螻蛄鳴者是矣
弔月向月而鳴也鉤欄卽欄杆以其隨屋之勢高下
轉曲相鉤帶故謂之鉤欄十六國春秋石虎作金銀
新屈膝屏風梁簡文帝詩織成屏風金屈膝輟耕錄
今人家竄戶設鉸具或鐵或銅名曰環鉸卽占金鋪屈
之遺意北方謂之屈屈志金鋪爲詩屈膝鋪鎖阿甄屈
膝當是屈屈戊研北雜志金鋪爲詩屈膝鋪鎖阿甄屈
二乘者爲鉤下三衡者爲鉸云琦按屈膝蓋鉸與柱
相交處之拳釘其形折曲若人膝之屈者然故曰屈
膝銅鋪是門上之獸面環鈕所以受鎖者阿甄魏文
帝之甄夫人初入宮有寵後以郭后李陰貴人並得
幸遂失意幽閉六朝時稱婦人多以阿字冠其姓上
如南史齊高帝稱周盤龍愛妾杜夢入家門上沙渚
氏曰阿杜是也○銅鋪一作金鋪夢入家門上沙渚
天河落處長洲路願君光明如太陽放妾騎魚撒波
去思歸家而不得惟有夢魂一往所願君之明如太
波陽無不徧照知宮人之幽怨而放出之如騎魚撒
依文而去幸矣騎魚字甚怪或傳寫之訛亦未可定若

稍緩不似魚游之速耳夫宮娃未易得放河魚豈可
騎乘以必不然之事而設為癡絕之想摹擬怨情語
意雙極元和郡縣志蘇州長洲縣萬歲通天元年析
吳縣置取長洲苑為名苑在縣西南七十里王褒四
子講德論故齊騰撇波而濟水不如乘舟之逸也李
善註說文曰擎擊也擎字今多作撇匹滅切音篇入
聲

堂堂

唐書隋樂府有堂堂曲樂府詩集樂苑曰
堂堂本陳後主所作唐

為法曲故白居易詩云
法曲法曲歌堂堂是也

堂堂復堂堂紅脫梅灰香十年粉蠹生畫梁飢蟲不

食摧碎黃

息之意紅脫梅灰香謂其彩色脫落香塵
銷歇飢蟲謂梁木中蛙蟲碎黃謂所蛀木屑
○紅脫梅灰香一作紅熟海梅香摧一作堆

老桃葉長禁院懸簾隔御光

花木雖好無人玩賞懸
簾不改而御光隔絕見

君王久不華清源中礬石湯徘徊白鳳隨君王在驪山

行幸至此西安府山下有溫泉秦漢隋唐之君皆嘗遊幸唐

太宗置溫泉宮于其地元宗改名華清宮王褒溫泉

銘挺此溫泉多作硫黃氣浴之則礬人肌膚惟沉魚隱叢

石泉琦按礬石性熱置水礬中則水不冰故驪山是礬

溫泉古人以為下有礬石所致白鳳事未詳曹唐遊

仙詩不知今夜遊何處侍從皆騎白鳳風疑是離宮久

仙從衛以喻當時侍從之臣○此詩當是有離宮之地

尚行幸漸見弊壤長吉見之而作結處見華清之地

勉愛行二首送小季之廬山
季謂其弟也唐書地理志江州潯陽縣有廬山
洛郊無俎豆弊旣慚老馬相送于洛陽郊野之地無
亦非強壯甚言貧瘡之意○慚會本姚仙期本作斬
曾氏註弊旣有老馬斬之以祖別余光註斬訓絕即

無字也二說皆未
小雁過鑪峰影落楚水下
小雁喻
受從漸字為是
其詩傳大曰鴻小曰雁鑪峰即香爐峰在廬山之東
南楚水楚地之水即鄱陽九江諸水一統志香爐峰
在九江府城西南五十里峰
形圓聳氣霏氣氤若烟故名
長船倚雲泊石鏡秋涼
夜豈解有鄉情弄月聊鳴啞
此預言別後情景長船
當石鏡秋涼之夜益增寂寞
即不解有鄉情者故江西通志石
鏡峰在南康府城西二十五里金輪峰側有一圓石
懸崖明淨照人見影隱見無時
謝靈運詩攀崖照石
此鏡即

其二

一木自南雲之下作一首

別柳當馬頭官槐如兔目

別柳送行餞別處之柳也馬頭謂水陸要道車馬往

來輻湊之處官槐官道中所植槐樹國史補貞元中
度支欲斫取兩京槐樹造車舊唐書吳湊傳官街樹

李長吉歌詩

卷二

五

缺所司植榆以補之奏曰榆非九衢之玩亟命易之以槐是可證官槐之稱藝文類聚莊子曰槐之生也

人季春五日而兔欲將千里別持此易斗粟謂以升

斗之需而奔走千里之遠若持此身相易者然即左

傳糊口四方之意此蓋指其弟而言也舊本皆作持

我似與下文索米犯複一南雲北雲空脉斷靈臺經

本註云我一作此今從之

絡懸春綫青軒樹轉月滿牀下國飢兒夢中見之別

如雲之在南北兩處隔斷乃中心悲戀又如線之相

牽而不能去于懷及至夜深睡夢中又見其弟所往

之處復遇飢饉則益不堪為懷矣自樂天謂涓人多

夢飲飢人多夢食今以糊口而往反夢見飢兒夢境

顛倒因想而成往如莊子不可納于靈臺郭象

註靈臺心也虞炎詩青軒明月時樹轉謂樹影轉移

也下國是其弟所到之地對京師而言故曰下國飢

兒飢民也或謂指其弟言則稱謂之間既非倫類又

與宋聯江干幼維爾之昆二十餘年來持鏡頗有鬚

客犯複非是

辭家三載今如此索米王門一事無古陌上桑詞彙

東方朔傳無令但索長安米王門王侯之門一荒溝

事無謂一事無所成○持鏡姚經三本作對鏡

古水光如刀庭南拱柳生蟬庭冷落之狀古水謂

廣久之水光如刀言其明靜不動拱柳謂拱抱之柳

曾氏作小柳解蓋以為拱把之拱夫拱把之柳焉能

生蟬蟬乎蟬蟬狀如蠶而大生樹根及糞土中今謂

之地蠶又有蟬蟬亦如蠶而大生樹木中蠶木作孔

玩此詩所稱蟬蟬蓋指其生樹木中者

真可念郊原晚吹悲號號因其弟以幼年作客江干

旋起其聲號號似助人之悲切

致酒行文苑英華錄此詩題下有至日

零落棲遲一杯酒主人奉觴客長壽主父西遊困不

歸家人折斷門前柳

漢書主父偃西入關見衛將軍衛將軍數言上上不省資用乏

留久諸侯賓客多厭之長吉引以自喻家人折斷門前柳謂攀樹而望征人之歸至于折斷而猶未得歸

以見遲久之意○吾聞馬周昔作新豐客天荒地老

無人識空將牋上兩行書直犯龍顏請恩澤

舊唐書馬周西

遊長安宿于新豐逆旅主人唯供諸商販而不顧待周遂命酒一斗八升悠然獨酌主人深異之至京師

舍于中郎將常何家貞觀五年太宗令百僚上書言得失何以武吏不涉經學周乃為陳便宜二十餘事

令奏之皆合旨太宗怪其能問何對曰此非臣所能家客馬周具草也太宗即日召之未至間遣使催促

者數四及謁見與語甚悅令直門下省六年授監察御史毛稚黃曰主父馬周作兩層敘本俱引證更作

賓主詳畧誰謂長吉不深于長篇之法耶○我有迷

龍賦曾本姚經三本作龍籛文苑作龍髯誤魂招不得雄雞一聲天下白少年心事當拏雲誰念

幽寒坐鳴呃

言高遠

長歌續短歌

古樂府有長歌行短歌行皆言人

歌者以人生壽命長短之分或謂歌聲有長短之別未知孰是傅元艷歌行曰咄來長歌續短歌則以歌之長聲短聲言也長吉命題蓋出于此

長歌破衣襟短歌斷白髮秦王不可見旦夕成內熱

時天子居秦地故以秦王為喻姚經三曰秦王指憲宗言騁雄武好神仙大率相類是亦一說也成內熱即所謂不得于君則熱中消飲壺中酒饑援隴頭粟之意莊子我其內熱與

淒涼四月闌千里一時綠闌猶盡也○淒涼會夜峰本姚經三本作淒淒

何離離明月落石底徘徊沿石尋照出高峰外不得

與之遊歌成鬢先改上已言秦王不可見此復借明月上已言秦王之落石底謂其光明

未嘗不照臨下土及俯仰求索其光忽又在高峰之外月爲山峯所隔則不得親沐其澤引喻微婉深得楚騷遺意離離卽羅列之狀

公莫舞歌并序

公莫舞歌者詠項伯翼蔽劉沛公也會中壯士灼灼于人故無復書且南北樂府率有歌引賀陋諸

家今重作公莫舞歌云沈約宋書公莫舞今之中

以袖隔之使不得傷漢高祖且語莊云公莫古人相呼曰公云莫害漢王也今之用巾蓋像項伯衣

袖之遺式

方花古礎排九楹刺豹淋血盛銀鬣礎柱下石方花

柱也一室而排列九楹言其室之大刺豹淋血見其宴飲豪華不止尋常芻豢之味○古礎一作石礎

華筵鼓吹無桐竹長刀直立割鳴箏

桐竹謂琴瑟簫管之類軍中飲

宴但有鼓吹並無絲竹于長刀直立之中即有彈鳴

箏者其聲全不成音總見軍中一片殺伐之氣○華

筵一作軍筵鳴箏會橫楣粗錦生紅緯曰炙餉嫗王

本二姚本俱作雞箏也未醉言楣門戶上橫梁也以錦飾之生紅緯腰下三看

寶玦光項莊掉箭欄前起材官小臣公莫舞座上真

人赤龍子芒碭雲瑞抱天迴咸陽王氣清如水史記項王

留沛公與飲范增數目項王舉所佩玉玦以示之者

三項王默然不應范增起出召項莊謂曰君王為人

不忍若入前為壽壽畢請以劍舞因擊沛公于座殺

之不者若屬且皆為所虜莊入前為壽壽畢曰軍中

無以爲樂請以劍舞項王曰諾項莊拔劍起舞項伯

音朔作樂時舞者所執竿也又以竿擊人亦曰箏皆

與劍無涉此蓋削字之訛削音笑刀劍之室釋文刀

三

室曰削是也今作鞠材官小臣以下數句蓋是作歌
之意明漢王爲天所祐必非范增輩所能害劉須谿
以爲作項伯口語夫未醉之楚王與舉玦之亞父獨
不畏其聞之而敢明目張膽以言耶漢書材官驍發
薛瓚曰材官驍射之官也顏師古曰材官有材力者
赤龍子卽赤帝子之變稱史記秦始皇帝常曰東南
有天子氣因東游以厭之高祖卽自疑亡匿于芒
碭山澤巖石之間呂后與俱求常得之高祖怪問
呂后曰季所居上常有雲氣故從徃常得季裴駟註
徐廣曰芒今臨淮縣也碭縣在梁應劭曰二縣之界
有山澤之固故隱于其間也二鐵樞鐵鍵重東關大
句言漢氏將興秦運已終之兆鐵樞鐵鍵重東關大
旗五丈撞雙鑲漢王今日須秦印絕臙剗腸臣不論
潛夫論懼門之不堅而作爲鐵樞樞門戶開闔之機
也鍵限門之木卽戶牗兩端入北孔所以止門者鐵
樞鐵鍵言秦關之堅固雙鑲門扉上雙鑲先是懷王
與諸將約先入定關中者王之夫以秦關堅固未易
攻取乃漢兵旣到子嬰出降五丈大旗撞其雙鑲而
入更定約束秦人大喜惟恐沛公不爲秦王卽皇帝

印璽已入沛公掌握之中而為所用其臣如樊噲之
流投身為之雖絕臙刻腸亦所不論天命有歸人心
攸附彼項莊者安得而殺之哉須字當作用字解或
謂須漢高祖佩秦璽而為天子者非也又曾本二姚
本作頻謂漢王當王關中頒秦印以分諸侯王者亦
非也臙膝骨也絕臙刻腸即樊噲對項王所云臣死
且不退避之意

昌谷北園新筍四首

籜落長竿削玉開君看母筍是龍材更容一夜抽千
尺別却池園數寸泥

籜筍皮也母筍大筍也○泥一作埃

其二

斫取青光寫楚辭膩香春粉黑離離無情有恨何人
見露壓烟啼千萬枝

刮去竹上青皮而寫楚辭于其上所謂楚辭者乃長吉所自作

之辭莫錯認屈宋所作楚辭解賦香春粉咏新竹之
美熙離離言所寫字跡之形無情有恨即謂所寫之
楚辭其句或出于無心或出于有意雖俱題竹上無
人肯尋覓觀之千枝萬幹惟有露壓烟啼而已慨世
上無人能知之也南園詩有舍南有竹堪書字之
句是長吉好竹上書寫與此詩可互相引証

其三

家泉石眼兩三莖曉看陰根紫陌生今年水曲春沙

上笛管新篁拔玉青

竹之根或時露生土上上陰根者指其行鞭土內者而言見其上

有筍生出則知其根所及之遠近紫陌謂郊野間大路王粲賦倚紫陌而並征夫在家泉石罅之中初見兩三莖筍出曉看紫陌復有出者其廣生如是則水曲春沙之地其所生者不又美乎上二句指已見者而言下二句指將來者而言笛管言新篁之材玉青言新篁之色拔挺生貌新

其四

古竹老梢惹碧雲茂陵歸臥嘆清貧風吹千畝迎雨

嘯鳥重一枝入酒樽史記相如傳相如既病免家居茂陵貨殖傳渭川千畝竹其人居

與千戶侯等次句以相如自比謂其貧病無聊家無長物末二句見惟有此君可以快心娛目

惱公姚經三註惱公即樂府惱懷也曾氏引李

今謂可愛曰可憎即惱公之意蓋狹邪遊戲之作

宋玉愁空斷嬌嬈粉自紅宋玉喻男嬌嬈喻女二句言其始之相慕而未即

合之意宋玉九辯余委約而多愁後漢宋子歌聲春侯有董嬌嬈詩杜子美詩佳人屢出董嬌嬈

草露門掩杏花叢歌聲之美艷艷如草上露珠之圓而聞其出自杏花叢中于是識其

住注口櫻桃小添眉桂葉濃曉奩粧秀靨夜帳減香

筒奩鏡匣也靨音葉婦人面頰上之飾始自孫吳鄧夫人以琥珀屑傅頰傷及差而有赤點如朱視之

更益其妍宮人欲要寵者以丹脂點頰效之爾後相
沿至唐益盛或朱或黃或黑其色不一隨逐時好所
尚大抵面有痕痣多借此掩之其無痕痣者亦倣作
此粧以為妖艷香筒帳中燒香器至曉火燼故香滅
銅鏡飛孤鵲江圖畫水藻以金華飾之也此言鏡背
太平御覽神異經曰背有夫妻將別破鏡人各執半
以為信其妻與人通鏡化為鵲飛至夫前夫乃知之
後人因鑄鏡為鵲安背上自此始也曾陂陀梳碧鳳
益註江圖屏障屬畫水藻之草于上陂陀梳碧鳳
腰褭帶金蟲陂陀高低不平之貌碧鳳髻也腰褭
等物形而綴之釵上者又宋祁益部記利州山中
金蟲其體如蜂緣色光若泥金俚人取作婦女釵
之飾吳均古意杜若含清露河蒲聚紫葢其柔艷也
寶粟鉏金蟲杜若今處處有之葉似葢而有文理
本草陶弘景曰杜若今處處有之葉似葢而有文理
根似高良薑而細味辛香又絕似葢根始欲相亂
葉小異耳楚辭云山中兮芳杜若兮是也河蒲蒲草
生水際似楚而彌有脊而柔至老收之可以為席又

可作扇及包裹之類或謂之香蒲者是也本草蘇頌
曰香蒲處處有之春初生嫩葉山水時紅白色茸
然至夏抽根于叢葉中花抱梗端如武士棒杵故
俗謂之蒲槌亦曰蒲葦其蒲黃卽花中藥屑細若金
粉常欲開時便取之市廛以蜜搜作果食月分蛾黛
貨賣謝靈運詩新蒲含紫茸正謂此草月分蛾黛
破花合靨朱融如新月兩分于額上是其蛾眉之描
施朱破字作分開之意屬頰也俗變重疑盤霧腰
云笑窩腮斗是也與上文秀靨有別髮重疑盤霧腰
輕乍倚風密書題荳蔻隱語笑芙蓉桂海虞衡志紅
瘦如顰顰春末發初開花先抽一幹有大簪包之籜
解花見一穗數十葉淡紅鮮妍如桃杏花色紫重則
下垂如蒲萄又如火齊瓔珞及剪綵鸞枝之狀此花
無實不與草荳蔻同種每藥心有兩瓣相並詞人托
興如比目連理云古讀曲歌云霧露隱芙蓉見蓮詎
分明又曰湖燥芙蓉菱蓮汝藕欲死又云芙蓉腹裏
菱憐汝從心起又云芙蓉萬層生蓮子信重沓又云
行膝點芙蓉深憐非骨念葢以芙蓉者蓮也暗合憐

字之意題豈意者密喻有同心之訂笑芙蓉者
隱語相憐愛之意○密書會本二姚木作寄書莫鎖

茱萸匣休開翡翠籠有茱萸古時錦名十六國春秋錦

茱萸匣又云茱萸錦衣玉作匣知茱萸匣者以茱萸
錦糊匣也翡翠籠者以翡翠羽毛點飾箱籠為觀美

弄珠驚漢燕燒蜜引胡蜂西陽雜俎世說蓴泥為巢
雅翼越燕小而多聲領下紫巢于門楣上謂之紫燕

亦謂之漢燕蜜者小蜂採花紫釀之而成故燒之蜂
聞其氣則競集不去然其蜂即名密蜂與胡蜂異胡

蜂不能作蜜長吉徒以胡漢字偶相對而借用之
醉纈拋紅網單羅挂綠蒙文也廣韻紫也謂紫綰為

也胡三省通鑑註纈撮綵以線結之而後染色色既染
則解其結凡結處皆原色餘則入染色矣後唐書地

謂之纈廣信詩花鬟醉眼纈龍子細文紅唐書地
志成都府蜀州土貢單絲羅琦按醉纈即纈單

羅即單絲羅皆當時采色纈帛之名紅網纈亦當
時婦女衣佩之飾吳正子以為庚信以醉眼為纈眼

時婦女衣佩之飾吳正子以為庚信以醉眼為纈眼

醉眠空花如紅網羅輕薄色如綠草蒙蒙徐文長數
以為屏風姚經三以上句為簾下句為幕皆非是

錢教姪女買藥問巴寶也姪丑雅切紫上聲說文少女

之初京師童謡曰河間姪女工數錢顏師古漢書註

巴俞之入所謂齊人也十六國春秋原君後種類繁

盛秦并天下以為黔中郡薄賦斂之曰歲出錢四十

巴人呼賦為資因謂之寶民焉姪女謂小婢巴寶謂

童僕者為勻臉安斜雁移燈想夢熊也斜臉勻粉傳面

以為屬花之類曾益以為首飾未知孰是詩小雅吉

夢維何維熊維羆維虺維蛇維熊維羆維虺維蛇維

虺維蛇女子之祥用此只作吉夢解以求賢偶腸攢

之意以下五聯遂極言之作求子解者非是

非束竹肱急是張弓肉今俗言肚肱束竹即喻其攢

聚張弓即喻其緊急非束竹正言其似束竹而反言

以明之也○肱吳氏云一作絃者非今會本二姚本

俱作晚樹迷新蝶殘蛺憶斷虹曰蝶向晚則欲棲樹故

正之氣雨晴則見鮮盛者為古時填渤海今日鑿崆

雄暗者為雌雌曰蜺雄曰虹

峒司馬貞曰案齊都賦海旁曰渤海別枝也解音蟹

解其阻隔之意欲繡脊寒長慢羅裙結短封兒辭繡

杏織成帶嚴帳信可憐據此則繡杏是指心搖如舞

帳帶而言吳正子疑為帷帳上覆非也

鶴雪出似飛龍言其消爽之狀古讀歌曲自從別郎

後臥宿頭不舉飛龍井檻淋清漆門鋪綴白銅八聯

落藥店骨出則為汝

賦其室中

之美麗

釘簾薄琉璃疊扇烘藝文類聚漢武故事曰上起神

洞徹以白珠為簾玳瑁壓之洞冥記編翠羽麟毫為

簾青琉璃為扇梁簡文帝詩金鋪玉鎖琉璃扇花釧

寶鏡織象牀緣素栢瑤席卷香葱藝文類聚漢武故

成衣

緣素栢謂以素栢緣其邊際楚辭瑤席今玉鎖香葱
卽水葱也生水巾中如葱而中空可以爲席杜氏通典
東牟郡貢水葱席六領是也姚仙期註自井檻以下
總言其門內之華麗曾益註由井而門而徑而壁而
簾扇而牀席細管吟朝幌芳醪落夜楓句言朝幌也上
以漸次言也
句言夜飲落宜男生楚巷梔子發金塘二句言所植
夜楓未詳
男兆子梔子同心故特舉二花言之庾信詩不如山
梔子猶解結同心徐悱妻摘同心梔子贈謝娘詩兩
葉雖爲贈交情永未因同心何處恨梔子最陽人李
善文選註陸機洛陽記曰金墉城在官之西北角魏
故宮人皆在中杜氏通典金墉城在洛陽故城西北
角魏明帝所築也生楚巷發金墉言其來自遠方之
意
龜甲開屏澀鵝毛滲墨濃初學記郭子橫洞冥記
玉爲龜甲屏風蓋言其文似龜甲上起神明臺上有雜
毛帛也吳均詩筆染鵝毛素○滲吳本作澡鵝
雨衛瓘綠樹養韓馮晉書衛瓘與尚書郎索靖俱善
草書時人號爲一臺二妙漢末

張芝善草書論者謂瓊得伯英筋靖得伯英肉其寫
黃庭經于書傳無考大抵借言善書者耳太平廣記
韓朋鳥者乃鳬鷺之類此鳥好雙飛泛溪浦水禽中
鴻鵠駕鸞鵠鵠嶺北皆有之惟韓朋鳥未之見按千
寶搜神記云大夫韓朋其妻美宋康王與之登臺自投臺
囚之朋遂自殺妻乃陰腐其衣王與之登臺自投臺
下左右提衣衣不勝手遺書于帶曰願以尸還韓氏
而合葬王怒令埋之二塚相望宿見梓木生二塚
之上根交于下枝連于上有鳥如鴛鴦恒栖其樹朝
暮悲鳴南人謂此禽即韓朋夫婦之精魂故以韓朋
名之韓朋或作韓馮或作雞唱星懸柳鵲啼露滴桐
韓憑傳者不一止一人也
寫夜深黃娥初出座寵妹始相從黃娥謂其長者蠟
之候
淚垂蘭燼秋燕掃綺籠蘭燼謂燭之餘燼狀似蘭心
者綺櫳即綺窓張協七命蘭宮秘宇雕堂綺櫳韻會
櫳說文房室之疏也徐曰窓也小曰窓闕遠曰櫳
吹笙翻舊引沽酒待新豐翻舊引沽酒待新豐也

勸陽臺人陸放翁入蜀記長安新豐川短佩愁填
 名酒見王摩詰詩至今居民市肆頗盛短佩愁填
 長絃怨削松古玉佩之上多滿珠為栗文今其式猶
 佩愁填栗也松山高山也豈能削之使卑而怨情之
 見于絃聲者亦不能削之使平所謂長絃怨削松也
 本作削松
 曲池眠乳鳴小閣睡娃僮
 縹緲雙線鉤
 縹緲五驄吳正子曰琴針綴物也鉤帶鉤之緇也徐文長云
 五驄當是五總名南詩云羔羊之皮素絲以英表純羔羊
 之縫素絲五總韻會詩傳曰古者素絲以英表純總
 也總亦數也疏釋之曰謂純絲之飾有五非謂純總
 為數純縫也總亦縫也嚴氏詩緝曰有素絲為組細
 五處純縫而飾之也○聽諸本皆作聽而引
 毛詩作五總解亦同惟姚經三本竟作總字
 蜀烟飛
 重錦峽雨濺輕容蜀烟峽雨即為雲之意重錦
 錦三十兩杜預註重錦錦之熟細者九域志越州土
 貢輕容紗五匹齊東野語紉之至輕者有所謂輕容

出唐類苑云輒拂鏡羞溫嶠熏衣避賈充世說溫公

容無花薄紗也劉氏家伯亂離散惟有一女甚有姿慧姑以屬公覓

婚公密有自婚意答曰佳婿難得但如嶠比云何姑

曰喪亂之餘乞粗存活便足慰吾餘年何敢希汝比

却後少日公報姑曰已覓得婚處門第粗可壻身名

宮盡不減嶠因下玉鏡臺一枚既婚交禮女以手披

紗扇笑曰我固疑是老奴韓壽美姿容賈充辟以為

掾充每聚會賈女于青瑣中見壽悅之恒懷存想發

于吟咏後婢往壽家具迷如此并言女先寵壽遂請

婢潛修音問自是充覺女盛自拂拭說暢有異于常

後會諸吏聞壽有奇香是外國所貢一著人則歷月

魚生玉藕下人在石蓮中

玉藕藕之嫩自似玉者子

遺子人謂蓮子中之青心傳所謂蓮者是也蓮實經

秋房枯子黑其堅如石者謂之石蓮子二句亦隱語

體取其同音之義謂歡娛生于求含水灣蛾翠登樓

偶之念而其人實為可憐中人也

撰馬變

舊註或以含木為淚或以馬髮為髮俱

居曲陌園

恐未是姑關其疑可也○桑吳本作使君調羅

亦奏迫語

耶司馬相如為孝文園今桂火流蘇暖金

未達時在

臨叩以琴心感卓王孫女桂火流蘇暖金

爐細炷通

吳均詩香囊左思吳都賦構流蘇胡三省通

而註毛見

曰流蘇猶鬚也又散貌以其藥下垂故曰

蘇○桂火

一作桂帳春遲王子態鶯轉謝娘情詩云

遲○毛傳

云遲遲舒緩也鶯轉比其聲音婉麗曾益

曰王子謂

疑之謝娘謂道韞琦意王子謂東晉時王

氏子弟謝

娘指謝安玉漏三星曙銅街五馬逢謂官

禁中刻漏

以玉為飾者此則借作更鼓之稱三星用

詩三星在

天今夕何夕見此良人事胡三省通鑑註

水經註洛

陽城中太尉司徒兩坊間謂之銅駝街魏

明帝置銅

駝于閭閥門南街即此沈約麗人賦狹邪

李長吉歌

詩

卷二

三

才女銅街麗人陌上桑古詞使君從南來犀株防膽
五馬立踟躕使君遣吏往問是誰家姝犀株防膽
怯銀液鎮心忪株有重紀聞犀中最大者曰墮羅犀一
止驚鎮肝安五臟水銀主治跳脫看年命琵琶道吉
安神鎮心銀液即木銀也跳脫唐詩紀事文宗問宰臣
凶繁欽定情篇繞腕雙跳脫是何物宰臣未對上云臣
即今之腕釧也真誥言安妃有斷髮金跳脫是臂飾
舊解跳脫看年命以重物酬談命者琦謂此必唐飾
時有看跳脫而知年命之吉凶法如古時相手板之類
雖書傳未載以對句觀之此解似優琵琶亦唐時異
法女巫彈琵琶以迎神自云有神憑之為言休咎異
苑南平國蠻兵在姑熟有鬼附之聲嘯細長或在
簷宇之際或有驗朝野食載江南北州土人何婆善
而卜事有驗野餉滿道崇仁坊阿婆能琵琶彈
琵琶士女填門遺餉觀之見一將軍紫袍玉帶甚偉
朱紫填門張薦曾往觀之見一將軍紫袍玉帶甚偉
下一匹細綾請一局卜觀之見一將軍紫袍玉帶甚偉
告東方朔西方朔南方朔北方朔告北方朔告北方朔

告上方朔下告下方朔將軍頂禮既告請甚多必望
細看以決疑惑遂即隨意支配云云所謂龍芭卜者
大約王時應七夕夫位在三宮此承上年命吉凶而
可見應七夕謂男女會遇之期與七夕牛女會合之期
相應夫位在三宮言其夫必是貴人王逸楚辭章句
天有三宮謂紫宮太微文昌也又星命家以地支十
二宮分配十二事所謂夫位在三宮其夫應在寅宮
數無力塗雲母多方帶藥翁有五色作片成層可析
明滑光白者為上其片有絕大而瑩潔者古時取以
為屏風或以為燈扇之飾方士家製鍊以為服食之
藥及粉澤而無惡瘡火炆之類則用雲母粉塗之符
此言閉閣麗冶事而以塗雲母入詞似另有解
因青鳥送囊用絳紗縫青鳥啣去續齊諧記汝南桓
景隨費長房遊學長房謂曰九月九日汝家中當有
災宜令家人各作絳囊盛茱萸以繫臂登高飲菊花
酒此禍可除此承上文因其
多病而送符假術以禳之
李長吉歌詩 卷二 長

鐘將與別去入漢苑而尋春色又聞河橋之外禁鐘
已止不能復畱闕與礙止也阻也限也徐文長
註閱月明中婦覺應笑畫堂空言與美人會遇之時
歇也婦獨眠而覺應笑畫堂空寂矣他人迴憶在
怨字而長吉反用一笑字其意婉而深矣○吳炎牧
態始因媒而通芳訊繼訂約而想佳期當赴時由
門而徑由壁而簾屏以及牀席對酒盟心題詩嗚愛
方承歡于永夜又惜別于終宵美人之出座相送携
手叮嚀再圖良會驚喜悲恐曲盡綢繆篇中起結不
爽絲黍讀者但見其色之濃麗而忽其法之婉密琦
按董氏註以為紀夢之作蓋緣結語而附會之姚仙
期本中諸註悉從其說殊失賀意吳氏所云有難解
乎諸說之上者也然細讀本文有重複處又有難解
處當是取一時筆浪笑傲之詞歎娛遊戲之事相難
而言讀者畧其文通其意可也若
句句釋之字字訓之難乎其說矣

讀風五首

合浦無明珠龍洲無木奴足知造化力不給使君須

後漢書孟嘗遷合浦太守郡不產穀實而海出珠寶
與交趾比境常通商販貿糴糧食先時宰守並多貪
穢詭人採求不知紀極珠遂漸徙于交趾郡界于是
行旅不至人物無資貧者死餓于道嘗到官革易前
弊求民利病曾未歲餘去珠復還百姓反其業商
賈流通稱爲神明襄陽記李衡每欲治家妻輒不聽
後密遣客十人于武陵龍陽洲上作宅種甘橘千株
臨死勅兒曰汝母惡吾治家故寧如是吾州里有千
頭木奴不責汝衣食歲上一匹新亦足耳衡亡
後二十餘日兒以白母母曰此當是種甘橘也汝家
失十戶客來七八年必汝父遺爲宅汝父恒稱太史
公言江陵千樹橘當封君家吾若曰人患無德義不
患不富若貴而能貧方好耳用此何爲吳末衡甘橘
成歲得絹數千匹家道殷足晉咸康中其宅上枯樹
猶在○龍洲無會本姚仙期木作越婦未織作吳蠶
龍陽有造化姚經三本作造物越婦未織作吳蠶
始蠕蠕謂蠶尚小縣官騎馬來獐色虬紫鬚懷中

一方板板上數行書不因使君怒焉得詣爾廬

陳開先註

板即紙也如今之牌票古所謂符檄是也

越婦拜縣官桑牙今尚小會待

春日晏絲車方擲掉越婦通言語小姑具黃梁縣官

踏殮去簿吏復登堂

本草蘇恭曰黃梁出蜀漢商浙間穗大毛長穀米俱粗于白梁

而收子以不耐水旱食之香美勝于諸梁宗奭曰黃

此章諷催科之不時也蠶事方起而縣官已親自催

租何其火迫乃爾瘠色虬鬚畫出武健之狀彼却又

能推卸以爲使君符牒致然似乎不得已而來者果

爾言語既畢即當策馬而去乃必飽殮不顧兩婦子

之拮据爲民父母者固如是乎縣官去簿吏又復

登堂民力幾何能蠲供此輩之口腹耶夫于女丁猶

其二

奇俊無少年日車何躡躡我待紆雙綬遺我星星髮

吳正子註奇俊無少年謂奇俊之人不能常少年也

日車謂日之行于天如車之行于地李尤詩年晚歲暮日已斜安得壯士翻日車躡躡去而不止之意紆綬也謝靈運詩星星白髮垂李周翰註星星白髮貌

都門賈生墓青蠅久斷絕寒食搖揚天憤景長肅殺

青蠅指讒譖之人荆楚歲時記去冬節一百五日即有疾風甚雨謂之寒食張說清明日詔宴寧王山池

詩搖揚花雜下嬌囀鶯亂飛觀此搖揚字義可見舊註或以搖揚為白楊非也詩意謂過賈生墓下漢昔

時譖言之人亦歸鳥有怨恨之氣可以消平乃當寒食搖揚之時不散肅殺憤景之意何哉蓋如能嫉賢

雖祇在一時而千載之下猶令人恨恨皇漢十二帝

惟帝稱睿哲一夕信覽兒文明永淪歎西漢起高帝歷惠帝文帝

景帝武帝昭帝宣帝元帝成帝哀帝平帝而止凡十一帝而云十二帝者中間蓋連高祖所立之少帝言

三

也書舜典濬哲文明吳氏曾氏以豎兒指絳灌東陽
之屬且疑其稱擬非是琦按風俗通賈誼與鄧通俱
侍中同位誼惡通爲人數廷議之由是疎遠遷爲長
沙太傅是長吉所稱豎兒蓋指鄧通而言之一夕猶
言一朝文明永淪歌者謂棄賈誼不用不能成
文明之治也○一夕信豎兒一作反信豎兒言

其三

南山何其悲鬼雨灑空草長安夜半秋風前幾人老
低迷黃昏徑裊裊青櫟道月午樹立影一山惟白曉

漆炬迎新入幽壙螢擾擾謝靈運詩白楊信裊裊李

櫟葉似栗葉所在有之木堅而不堪充材月午謂月

至中天當午位上則樹影不斜其直如立白曉謂月

色皓然如天將曉之狀漆炬鬼燈也新人新見也幽

壙墓塚也螢擾擾謂鬼火聚散如螢光之擾擾○風

前幾人老會本姚經三本作無影剪

春姿老立影姚仙期本作無影

其四

星盡四方高萬物知天曙已生須已養荷擔出門去
君不久不反康伯遁國路曉思何譏譏闕闕千人語

漢書嚴君平卜筮于成都市以爲卜筮者賤業而可
以惠衆人有邪惡是非之問則依蓍龜爲言利害與
人子言依于孝與人弟言依于順與人臣言依于忠
各因勢道之以善從吾言者已過半矣裁日闕數人
得百錢足自養則閉肆下簾而授老子後漢書韓康
字伯休京兆霸陵人家世著姓常採藥名山賣于長
安市口不二價三十餘年時有女子從康買藥康守
價不移女子怒曰公是韓伯休那乃不二價乎康嘆
曰我本欲避名今小女子皆知有我不何用藥爲乃逖
入霸陵山中博士公車連徵不至桓帝備玄纁之禮
以安車聘之使者奉詔造康康不得已乃許諾辭安
車自乘柴車冒晨先使者發因道逃逝長吉正用此
事而曰康伯蓋誤稱也韻會譏諂語也古今註闕市
垣也闕市門也詩意貧人以治生爲務不能不荷擔

入市乃古之賢而隱于市者若嚴君平韓伯休今既
不可復作關關之中道置雜沓殊難復問甚言市井
濁氣之不可耐也

其四

石根秋水明石畔秋草瘦侵衣野竹香蠶蠶垂葉厚

蠶貌 岑中月歸來嶸光挂空秀桂露對仙娥星星下

雲逗一作雲秀桂露一作秋露 淒涼梔子落山壘

沆清漏山石裂處清泉流出狀如漏水點滴 下有張

仲蔚披書案將朽趙岐三輔決錄註張仲蔚扶風人

賦所居蓬蒿没人庾 信詩不廢披書案

三月過行宮

渠水紅繁擁御牆風嬌小葉學娥粧垂簾幾度青春

老堪鎖千年白日長

渠水行宮外御溝之水吳正子

紅繁為荷由自臆擬三月時荷錢始貼水于擁御牆

三字亦不甚受切竊謂紅是水莊紫是繁蒿二草多

生木旁爾雅釋草云紅龍古其大者歸郭璞注俗呼

紅草為龍鼓語轉耳本草陶弘景曰紅生下濕地似

馬蓼而甚長大詩稱照有游龍郭璞云即龍古也蘇

頌曰莊即水蓼也似蓼而葉大赤白色高丈餘卑雅

爾雅曰藜藿蒿白蒿也葉和于青蒿從初生至枯白

于衆蒿類似細艾者所在有之今人謂之蓬蒿可以

為菹夏小正傳繁游胡旁勃也爾雅疏支而紆

皆以為即藜蒿後漢書載邊讓章華賦振弱支而紆

繞兮若綠繁之垂草據諸書紅紫繁通用蓋古人

書芙蓉作夫容亦有不加草頭者即此可以類推會

本二姚本俱以繁字作紫字是也小葉即紫葉二

草之葉初生尚小為春風搖動嬌綠可愛比之女子

畫眉之色古之畫眉以黑至隋唐則尚綠韓非子

李長吉歌詩

卷二

單